



Xaiv Haiv Neeg Xauj Tsev

Housing Discrimination

Hom kev xaiv haiv neeg twg txhaum kevcai?


Hauv Minnesota, tsis pub leejtwg koj xauj tsev ntawm nws coj txawv rau koj vim:

- Haiv Neeg (*xws li txoj kev ib txwm ua plaub hau*)
- Pojnam/txivneej
- Tawv nqaij
- Kev cai dab qhuas
- Tsev Neeg Coob Npaum Li Cas (*muaj menuam lossis cev xeeb tub*)
- Tau Nyiaj Tsoom Fwv Pab (*MFIP, GA, SSI, lwm yam*)
- Nyiam Pojnam/Txivneej
- Yog Pojnam/Txivneej
- Muaj Pojnam/txiv los tsis muaj (*tsis muaj txiv/pojnam, sij nrauj, sib cais lossis poj ntsuam/yawg ntsuag*)
- Xiam Oob Qhab
- Tebchaws Tuaj
- Hnub Nyoog (*St. Paul xwb*)
- Kev Ntseeg (*ntseeg*)

Tej yam kev qhia tias xaiv haiv neeg yog dabtsi?

Tsis Txais Ntawv Xauj Tsev

- Thaum koj hu xov tooj, lub tsev kem qhib. Tabsis thaum tus tswv tsev pom koj daim tawv nqaij, nws twb “muab xauj lawm.”
- Tus tswv tsev tias “tsis pub MFIP” lossis “kev pab xwm ceev”
- Tsis yuav koj vim koj xiam oob qhab, txawm yog tias koj qhov xiam oob qhab ntawm yuav tsis txwv koj cov kev ua raws li daim ntawv xauj tsev hais. Saib peb daim ntawv tseeb, [Ua Kom Tsim Nyog Nyob Taus: Koj Puas Xav Kom Koj Tus Tswv Tsev Hloov Tej Yam Vim Koj Qhov Xiam Oob Qhab?](#) Tus tswv tsev hais tias, “tsis pub muaj menuam,” tabsis tsis yog lub tsev rau neeg laus xwb
- Tus tswj kav tsev coj txawv rau cov neeg ua ntawv xauj tsev. Piv txwv, lawv hais rau cov neeg tau MFIP tias lawv yuav tsum ua tau nyiaj 3 npaug tus nqi tsev, tabsis lawv tsis hais li ntawd rau cov neeg tsis tau tsoom fwv pab.
- Tsis ua koj daim ntawv li vim koj qhov kev cai dab qhuas.



Coj Txaww Rau Tib Neeg

- Tus tu tsev kho cov neeg xauj tsev tawv dawb tej vajtse ua ntej kho cov neeg xauj tsev Latino li.
- Tus tswj kav tsev muab kevcai txaww lossis xauj nqi tsev siab tshaj rau cov neeg tsis yog tawv dawb.
- Tus tswv tsev tsis kam hloov txoj cai mentsis los cia tus neeg xiam oob qhab los nyob ntawm kom ywj pheej. Piv txwv, kam tus tshiaj ua neeg khub nyob. Saib peb daim ntawv tseeb, [Kuv Muaj Tus Tsiaj Puas Tau?](#)
- Lub koomhaum rau cov tsev nyob sib npuab tsis kam cia koj ua ib txoj kev rau koj lub rooj muaj log. Saib peb daim ntawv tseeb [Ua Kom Tsim Nyog Nyob Taus: Koj Puas Xav Kom Koj Tus Tswv Tsev Hloov Tej Yam Vim Koj Qhov Xiam Oob Qhab?](#).
- Muaj cai tshwj xeeb rau menuam yaus, lossis tus saib tsev tsuas xauj cov tsev nyob theem ib rau cov tsev neeg muaj menuam xwb.



Thab Zes

- Tus tu tsev kom koj tham nws thiab nws nkag tus kheej los hauv koj chav tsev kem. Saib peb daim ntawv tseeb, [Hais Lus Saib Tsis Tau, Kov Lub Cev Lossis Yuam Deev thaum Xauj Tsev](#).
- Tus saib kev ruaj ntseg coj txawv rau koj cov qhua vim lawv yog neeg Qhab.
- Cov neeg nyob ze koj hais lus phem rau koj txog koj haiv neeg lossis hawv kom koj tawm tsev.

Kuv ua tau li cas?

Yog tsis kam xauj tsev rau koj thiab koj xoom xaim tias vim xaiv neeg, hu rau cov xov tooj hauv qab no sai li sai tau.

Koj hais koj lwm tus koj paub hu tus tswv tsev thiab ua ntawv xauj tsev thiab seb tus tswv tsev coj li cas rau tus neeg ntawd. Piv txwv: yog koj xoom xaim tias xaiv haiv neeg vim koj hom neeg, cia seb puas yuav coj zoo dua rau lwm tus neeg uas yog lwm hom neeg. Sau ntawv cia txog ua li cas txhua zaus thiab koj thiab koj cov phoojywng nrog leejtwg tham.

Yog muaj neeg coj phem heev lossis thab zes koj ntawm qhov koj nyob, sau daim ntawv mus rau tus tswv. Luam ib daim rau koj khaws cia thiab khaws tej lus/khoom povthawj txog qhov xaiv haiv neeg. Seb puas muaj neeg timkhawv pom lossis hnov thiab khaws lawv npe thiab xov tooj cia. Muab sau cia txhua zaus muab dabtsi tshwm sim. Yog koj raug kev xwm txheej, hu neeg pab.

Foob thiab Cov Koomhaum Pab Txog Tsis Txaus Siab

Koj pib ua ntawv foob kom qhov xaiv haiv neeg no tsum thiab tej zaum tau nyiaj los kho koom puas tsuaj. Yog koj xav tau kev pab sai rau ib lub tsev kem lawv tsis kam koj nyob, kom kev thab zes, lossis kom txhab raug ntiab tawm tsev, tej zaum ua ntawv foob yuav yog qhov zoo dua rau koj. Yog koj tau nyiaj tsawg, hu koj lub legal aid hoob kas hauv zos ntawm 1(877) 696-6529. Lossis mus nrhiav kev pab los ntawm lwm cov kev pabcuam ntawm www.lawhelpmn.org/hm/providers-and-clinics.



Koj kuj nrhiav tau kev pab los ntawm tsoom fwv cov koomhaum uas tswj kev xauj tsev raws li cov kevcai xaiv haiv neeg xauj tsev. Lawv yuav tuaj xwj, tsis kom koj them dabtsi. Yog lawv nrhiav tau tias muaj kev xaiv haiv neeg, lawm mam li saib seb puas tham sib haum. Yog tham tsis sib haum, tej zaum lub koomhaum yuav foob tus neeg xaiv haiv neeg rau koj. Cov koomhaum yog:

MN Department of Human Rights

Griggs Midway Building
540 Fairview Ave North, Suite 201
St. Paul, Minnesota 55104

Xov tooj: (651) 539-1100 or 1-(800) 657-3704
MN Relay: 711 or 1-(800) 627-3529

Xovtooj pab txog kev ntxub ntxaug (Discrimination helpline): 1-(833) 454-0148
Email ntawn: info.mdhr@state.mn.us Vas sab ntawm: www.mn.gov/mdhr/

Housing and Urban Development (HUD)

Minneapolis Field Office
212 Third Ave South, Suite 150
Minneapolis MN 55401

Xov tooj: (612) 370-3000
TTY: (612) 370-3186

Housing and Urban Development (HUD)

77 West Jackson Boulevard, Suite 260
Chicago, IL 60604-3507

Xov tooj: (800) 669-9777
Rau ob hoob kas: www.hud.gov

Yuav ua li cas los, ua kom sai. Feem ntau, koj yuav tsum ua daim ntawv tsis txaus siab lossis foob li ntawm 1 lossis tej zaum 2 xyoos.

Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhab siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2024 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.